



Ruj. Tuan:

Ruj. Kami:

KP.1602/640/6/(11)Jld.II

Tarikh:

3 Mei 2000.

Semua Pengarah
Jabatan Pendidikan Negeri

Semua Pengetua/Guru Besar
Sekolah-sekolah

Pekeliling Bahagian Kewangan Bil. 4/ 2000
Peraturan Kutipan Fee Sekolah Yang Dikenakan Kepada Murid Asing

1. Tujuan

- 1.1 Tujuan Surat Pekeling ini adalah untuk memperkemas peraturan kutipan fee yang dikenakan kepada murid asing.

2. Latarbelakang

- 2.1 Semenjak Surat Pekeliling Kewangan Bil.7/1995 diperkenalkan dan berkuatkuasa mulai 31 Mac 1995, pihak sekolah sering menghadapi masalah untuk mengutip fee murid asing daripada murid-murid berkenaan. Masalah ini telah mengakibatkan berlakunya tunggakan hasil kerajaan dimana Akaun Belum Terima telah meningkat dari tahun ke tahun.
- 2.2 Mengikut surat dari Pejabat Penasihat Undang-Undang bil.KP(PUU)S.10075/07/12(8) bertarikh 3 April 1998, "Murid Asing" ertinya :-
- (i) seorang murid yang tidak mempunyai Surat Beranak/Sijil Kelahiran; dan
 - (ii) Bapanya adalah bukan Wargenegara Malaysia; atau
 - (iii) Bapanya tidak mempunyai kad pengenalan, atau kad pengenalan merah(penduduk tetap) atau kad pengenalan hijau (penduduk sementara).
- 2.3 Sebagaimana mengikut Peraturan-Peraturan Pendidikan (Fee Yang Diluluskan) (Kehadiran Murid Asing) 1995, kadar bayaran

setahun yang ditetapkan ialah RM 120.00 bagi sekolah Rendah dan RM 240.00 bagi sekolah Menengah. Fee yang dikutip adalah hasil kerajaan Malaysia dan hendaklah dipungut sebagai tambahan kepada semua jenis yuran yang dikenakan oleh sekolah pada masa ini.

3. Peraturan Kutipan Fee

Prosedur berikut perlu dipatuhi bagi melaksanakan kutipan fee ini.

- 3.1 Kutipan fee hendaklah dalam Ringgit Malaysia (RM).
- 3.2 Fee ini hendaklah dipungut secara sekaligus oleh JPN setelah meluluskan permohonan kemasukan murid asing ke sekolah-sekolah. Fee bagi tahun-tahun berikutnya juga hendaklah dikutip oleh JPN pada awal tahun sebelum penggal persekolahan bermula.
- 3.3 Kutipan fee yang dipungut hendaklah dikeluarkan resit Am (Kew. 38). Resit asal hendaklah diserahkan kepada pemohon. Resit ini adalah sebagai bukti fee telah dijelaskan dan pemohon perlu menunjukkan resit asal kepada sekolah di mana penuntut ditempatkan. Sekolah tidak boleh menerima penuntut atau penuntut tidak dibenar meneruskan pelajaran sekiranya bukti bayaran tidak ditunjuk.
- 3.4 Fee yang telah dipungut hendaklah dikreditkan kepada Akaun Hasil Disatukan dengan menggunakan kod hasil 72299, dibank dengan segera ke akaun bank Jabatan Akauntan Negara Malaysia dan direkodkan dalam buku tunai.
- 3.5 Pengarah Jabatan Pendidikan Negeri hendaklah memastikan semua fee dipungut dan diperakaunkan dengan betul.
- 3.6 Pengetua/Guru Besar sekolah-sekolah diingatkan bahawa murid asing hanya dibenarkan mendaftar dan menghadiri diri di sekolah berkenaan dengan menunjukkan :-
 - (a) Surat kelulusan dari JPN dan;
 - (b) resit Am (Kew. 38) asal bagi tempoh berkaitan
- 3.7 Murid asing yang tamat pengajian sebelum akhir tahun persekolahan tidak akan dibayar balik baki fee untuk tahun berkenaan.

4. Pembatalan

- 4.1 Dengan terkeluarnya Surat Pekeliling Kewangan ini, Surat Pekeliling Kewangan Bil.7/1995 bertarikh 31 Mac 1995 dibatalkan.

5. Tarikh Berkuatkuasa

- 5.1 Surat Pekeliling ini berkuatkuasa mulai serta merta.

6. Penutup


- 6.1 Dengan adanya peraturan baru kutipan fee murid asing ini, adalah diharapkan tunggakan hasil Kerajaan yang berkaitan tidak akan timbul.
- 6.2 Sila hubungi Bahagian Kewangan sekiranya terdapat sebarang masalah dalam pelaksanaan Pekeliling ini.

Sekian, terima kasih.

“ BERKHIDMAT UNTUK NEGARA ”

“ CINTAILAH BAHASA KITA ”

Saya yang menurut perintah,



(MAHANUM ABDULLAH)

Setiausaha Bahagian

Bahagian Kewangan

b.p: Ketua Setiausaha

Kementerian Pendidikan Malaysia.

- s.k:
- i) Y. Bhg. Tan Sri KSU
 - ii) Y. Bhg. Datuk KPPM
 - iii) Y. Bhg. Dato' TKSU (K&P)
 - iv) Akauntan Negara Malaysia

- a) Bahagian Perkhidmatan Operasi Pusat dan Agensi
- b) Bahagian Perkhidmatan Operasi Cawangan

- v) Pengarah Cawangan
Cawangan Jabatan Akauntan Negara _____.
- vi) Ketua Audit Sekolah
Bahagian Audit Sekolah dan Audit Dalam
- vii) Ketua Audit Dalam
Bahagian Audit Sekolah dan Audit Dalam
- viii) Ketua Akauntan II
Kementerian Pendidikan Malaysia.

Fail : Irene4/c>/ss/m.s.4